



ქალაქ ფოთის მუნიციპალიტეტის საკრებულო



## განკარგულება N 8/27

2019 წლის 28 ქანთრი

ქალაქი ფოთი

ქალაქ ფოთის მუნიციპალიტეტის ფეხბურთის განვითარებასთან დაკავშირებით დროებითი სამუშაო ჯგუფის შექმნისა და პერსონალური შემადგენლობის დამტკიცების შესახებ

ქალაქ ფოთის მუნიციპალიტეტის საკრებულო აღნიშნავს, რომ საქართველოს კონსტიტუციის მე-5 მუხლის მე-7 პუნქტის შესაბამისად, სახელმწიფო ზრუნავს სპორტის განვითარებაზე, ჯანსაღი ცხოვრების წესის დამკვიდრებაზე, ბავშვებისა და ახალგაზრდების ფიზიკურ აღზრდასა და სპორტში მათ ჩართვაზე.

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-4 პუნქტის შესაბამისად, მუნიციპალიტეტის კომპეტენცია სპორტის ხელშეწყობა.

„სპორტის შესახებ“ საქართველოს კანონის მე-7 მუხლის შესაბამისად, სპორტის სფეროს ადგილებზე მართავენ ადგილობრივი თვითმმართველობის ორგანოები, გარდა იმ საკითხებისა, რომელთა გადაწყვეტაც საქართველოს განათლების, მეცნიერების, კულტურისა და სპორტის სამინისტროს, საქართველოს ეროვნული ოლიმპიური კომიტეტისა და საქართველოს ეროვნული სპორტული ფედერაციების კომპეტენციას განკუთვნება.

ქალაქ ფოთის მუნიციპალიტეტში შპს საფეხბურთო კლუბ „კოლხეთი-1913“-ს და საფეხბურთო სკოლას ამ ეტაპზე გააჩნია ფინანსური და სხვა პრობლემები. ამდენად, ზემოხსენებული პრობლემების გადაჭრის, ქალაქ ფოთის მუნიციპალიტეტში ფეხბურთის განვითარებასთან დაკავშირებით მიზანშეწონილია ქალაქ ფოთის მუნიციპალიტეტის საკრებულოში შექმნას დროებითი სამუშაო ჯგუფის შექმნა და დროებითი სამუშაო ჯგუფის პერსონალური შემადგენლობის დამტკიცება.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის პირველი პუნქტის, „ბ.ე“ ქვეპუნქტის შესაბამისად, მუნიციპალიტეტის საკრებულოს უფლებამოსილებებს განკუთვნება მუნიციპალიტეტის საკრებულოს დროებითი სამუშაო ჯგუფის შექმნა და დროებითი სამუშაო ჯგუფის პერსონალური შემადგენლობის დამტკიცება.

საქართველოს ორგანული კანონის „ადგილობრივი თვითმმართველობის კოდექსის“ 29-ე მუხლის პირველი, მე-2 და მე-3 პუნქტების შესაბამისად, მუნიციპალიტეტის საკრებულო უფლებამოსილია ცალკეულ საკითხთა შესასწავლად, საჭიროების შემთხვევაში შექმნას დროებითი სამუშაო ჯგუფები. მუნიციპალიტეტის საკრებულოს დროებითი სამუშაო ჯგუფის

ხელმძღვანელსა და წევრებს სამუშაო ჯგუფის უფლებამოსილების ვადით, რომელიც არ უნდა აღმატებოდეს 3 თვეს, თავისი შემადგენლობიდან ირჩევს მუნიციპალიტეტის საკრებულო. მუნიციპალიტეტის საკრებულოს დროებით სამუშაო ჯგუფში მუნიციპალიტეტის საკრებულოს წევრები შეყვანილი უნდა იქნენ მუნიციპალიტეტის საკრებულოს ფრაქციათა წარმომადგენლობისა და იმ მუნიციპალიტეტის საკრებულოს წევრთა რაოდენობის პროპორციულად, რომლებიც გაერთიანებული არ არიან არცერთ ფრაქციაში. მუნიციპალიტეტის საკრებულოს რეგლამენტით დადგენილი წესით დროებითი სამუშაო ჯგუფის წევრად სამუშაო ჯგუფის უფლებამოსილების ვადით, სათათბირო ხმის უფლებით შეიძლება სხვა პირთა მოწვევაც.

### აღნიშნულიდან გამომდინარე:

#### მუხლი 1.

1. ქალაქ ფოთის მუნიციპალიტეტში ფეხბურთის განვითარებასთან დაკავშირებით შეიქმნას დროებითი სამუშაო ჯგუფი და დამტკიცდეს დროებითი სამუშაო ჯგუფის პერსონალური შემადგენლობა:

- ა) დარეჯან ცხვიტარია - ფრაქცია „ჭოთის“ წევრი, სამუშაო ჯგუფის ხელმძღვანელი;
- ბ) ხვიჩა ცხვიტარია - ფრაქცია „ქართული ოცნების“ წევრი, სამუშაო ჯგუფის წევრი;
- გ) ბაქარ ერაგია - სოციალურ საკითხთა კომისიის თავმჯდომარე, სამუშაო ჯგუფის წევრი;
- დ) ზვიად დგებუაძე - ფრაქცია „ქართული ოცნება - კონსერვატორების“ თავმჯდომარე, სამუშაო ჯგუფის წევრი;
- ე) ჯემალ მიგინეიშვილი - ფრაქცია „ქართული ოცნება-მრეწველების“ თავმჯდომარე, სამუშაო ჯგუფის წევრი;
- ვ) დათო ხომერიკი - ფრაქცია "ფოთის" თავმჯდომარე, სამუშაო ჯგუფის წევრი;

ზ) პაატა ჩაგანავა - ფრაქცია "კოლხეთის" თავმჯდომარის მოადგილე, სამუშაო ჯგუფის წევრი;  
თ) თორნიკე ხარჩილავა - ფრაქცია „ქართული ოცნების“ თავმჯდომარის მოადგილე, სამუშაო ჯგუფის წევრი;

სათათბირო ხმის უფლებით, დროებით სამუშაო ჯგუფის საქმიანობაში მონაწილეობის მიღება ეთხოვოს:

- ა) გორგი ფარეშიშვილს-ქალაქ ფოთის მუნიციპალიტეტის მერის მოადგილე;
- ბ) ნიკოლოზ ჯაშს - მპს საფეხბურთო კლუბი „კოლხეთი-1913“ დირექტორი;
- გ) ბექა გუგუშვილს - არასამეწარმეო (არაკომერციული) იურიდიული პირის-სკოლისგარეშე სასპორტო საგანმანათლებლო დაწუსებულების დირექტორი;
- დ) კახა ეფრემიძეს - არასამეწარმეო (არაკომერციული) იურიდიული პირის-სკოლისგარეშე სასპორტო საგანმანათლებლო დაწუსებულების ფოთის საფეხბურთო სკოლის მენეჯერი.

2. დროებითმა სამუშაო ჯგუფმა აღნიშნული განკარგულების მიღებიდან სამი თვის ვადაში ქალაქ ფოთის მუნიციპალიტეტის საკრებულოს წარუდგინოს, წინადადებები მუნიციპალიტეტში ფეხბურთისა და საფეხბურთო სკოლის განვითარებასთან და არსებული პრობლემების აღმოფხვრასთან დაკავშირებით.

3. დროებითი სამუშაო ჯგუფის საქმიანობაში მონაწილეობის მიღების უფლება აქვს ყველა დაინტერესებულ პირს საქართველოს კანონმდებლობით დადგენილი მოთხოვნების დაცვით.

4. დროებითი სამუშაო ჯგუფის წევრებმა საქმიანობა განახორციელონ უსასყიდლოდ.

**მუხლი 2.**

საქართველოს ზოგადი ადმინისტრაციული კოდექსის 52-ე მუხლის მე-2 ნაწილისა და საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, „ადგილობრივი თვითმმართველობის” კოდექსის” საქართველოს ორგანული კანონის 62-ე მუხლის პირველი პუნქტის შესაბამისად, აღნიშნული განკარგულება შეიძლება გაასაჩივროს დაინტერესებულმა მხარემ ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

**მუხლი 3.**

განკარგულება ძალაშია 2019 წლის 28 მარტიდან.

საკრებულოს თავმჯდომარე



ირაკლი კაცულია